



Acta sanctorum

quotquot toto orbe coluntur, vel a catholicis scriptoribus celebrantur, quae
ex Latinis et Græcis, aliarumque gentium antiquis monumentis

Bolland, Johannes

Parisiis et Romæ, 1869

Vita S. Kiaræ, Seu Ceræ Auctore Colgano.

[urn:nbn:de:hbz:466:1-67915](#)

A

VITA S. KIARE, SEU CERÆ

AUCTORE COLGANO.

S. Kiara, *fl.**tia Dubrei,*

a

b

d c

*vixisse dici-**tur tempore**S. Brendani,**quo indi-**cante, igne-**extinxit.*

f

*Augentur**eius sociæ;**it ad S. Mun-**nam;*

g

Claruit in ea australis Hibernia regione, qua Muscraigia *a* nuncupatur, quædam genere clara, sed virtutibus clarior Virgo, nomine Cera *b* seu Cyra : cuius quidem Acta licet temporis vel nunc suppressat, vel olim deleverit injuria, nominis tamen sancti et celebris, quod nobiles testantur scriptores, et saxea ceu viva loquuntur monumenta, non potuit delere splendorem. Patrem habuit Dubreum *c*, e Conarii *d* regis Hibernia stirpe, multorum et Sanctorum et regum in utraque Scotia fœcunda genitrix oriundum.

2 Postquam autem fama sanctitatis, et miraculorum hujus Sanctissimæ Virginis longe latè que diffusa esset, et odor boni nominis plures ad eam pertraheret discipulas, virtutum ejus sedulas imitatries, construxit in prædicta sua patria Muscraigia regione conobium virginum ex ipsis fundatricis nomine Killchere appellatum, cui in summa sanctitatis opinione et mirabilium operatione sacro virginum coctui præfuit eo tempore, quo magnus Brendanus, post mirabilem suam septenni spatio per Oceanum navigationem, signis et virtutibus in Hibernia clarebat *e*.

3 Inter alia ejus opera miracula, unum memoratur patriæ proficuum, et ipsi Virginis gloriosum ; quo pestilentis quoddam genus ignis, et patriæ terræ, quam inextinguibili vi exurendi absumebat, et hominibus, quo pestifero fectore extinguebat, exitiosum, mirifico orationis jaculo funditus extinxit. Factum his verbis narrat author Vita S. Brendani : In regione *f*, inquit, Muscraighe Thire in provincia Momonia, ignis exortus est e terra, fectorem habens pessimum. Cuperuntque homines ignem extingue aquis, sed nullo modo potuerunt. Vidensque S. Brendanus, veniendo illuc, terram ardore ascendentibus alta flammis, ait hominibus : O miseri homines, ignem infernalem videtis e terra ! Rogantibus eum hominibus, ait eis : Trium dierum jejunium agite, et rogabo Deum pro vobis. Et post jejunium ait illis : Ite ad Sanctam Dei virginem Ciaram : sibi enim debet Deus hanc virtutem, ut extinguat illum ignem per orationem suam. Et orans Sanctissima Virgo Cera ad Deum contra illum ignem, illico ignis extinctus est radicitus, et numquam ibi iterum apparuit.

4 Crescentibus sic in dies signis et virtutibus hujus præclare Virginis, cum cresceret et sanctuarum virginum, quæ sub ejus magisterio vivere amiebant, ipsa sanctissima mater coetum sponsorum Christi multiplicare desiderans, cum aliquot virginibus perrexit ad fines Heliæ, locum a Sancto Munna, viro mirifice charitatis et saeculi contemptus gloria notissimo, quesum ; ubi sponsas Christi commodius, in Deo dicatae virginitatis instituto instruere et educare posset ; accepitque ibi ab eo locum Tech-Telle nominatum, quem ipse ante ibi extruxerat, ut in ejus Vita cap. x his verbis enarratur :

5 Cum B. Munna quinque annis habitasset in regione Heli, venit ad eum quædam virgo, nomine Chier *g*, cum aliis virginibus quinque, initique minister hospitum salutare eam, et recipere in hospitio. Cui ancilla Dei ait : Vade ad famulum Christi seniorem nostrum et dic ei : Det mihi locum ubi potuero Deo servire cum meis filiabus.

Hoc autem audiens vir Dei dixit suis : Fratres, non est hic resurrectio nostra, ideo relinquamus hunc locum nostrum et labore virginibus Dei, et nihil vobiscum ducetis exceptis necessariis in via, et libris officialibus, et chrismalibus, et quotidianis vestimentis, et de animalibus tantum duos boves in plastro. Cum jam ancilla Dei postulasset ab eo benedictionem, respondit ei : Benedictio sit super locum istum, et erit benedictus coram Deo, et hominibus ; sed tamen locus iste non nominabitur in nomine tuo. Illa dixit : In cujus igitur nomine nominabatur ? B. Munna ait : Vir ille, qui hodie tres jubilationes in agro Midhluachra fecit, possidebit hunc locum : ipse est Telli, filius Segeni, qui postea ad hunc locum veniet, et in nomine ejus nominabitur.

6 Postquam ergo Christi ancilla in ecclesia de Telgh-Telle cum suis alumnis aliquandiu constisset, et juxta mox dicta intellexisset locum illum non sibi vel suis, sed Sancto Tellio ex divina providentia decreto esse reservatum, demum in patriam revera est, ac post multos vitæ annos, in illibati instituti rigore transactos, annis et meritis plena, anno salutis 679 *h* mortalem hanc vitam cum coelesti commutans, ad sponsi superni amplexus advolavit, ac in ecclesia de Maghascad corpus ejus honorifice reconditum est ; piisque populi devotione bis in anno ejus festum servari consuevit : die quinta Januarii, quæ dies transitus et ejus in celo natalis, et xvi Octobris, qui translationis creditur esse *i*.

D

moritur an-

no 680.

E

ANNOTATA.

a Vide num. 6 Commentarii prævii.

b In Commentario prævio num. 1 exhibui nominæ S. Kiara, prout in Ms. Hibernicis mihi occurserunt. In priore Vita codicis Salmanticensis dicitur Kyear, in posteriori Emer, vita sane amanensis. Eam vulgo Chier vocari tradit Lanigan. Quoniam Martyrologium Universale Castellani vulgo in usu est, ne lectori, apud nos hujus Sanctæ Vitam quærenti, inutilis labor crearetur, scripsi secundum eum Kiaram.

c Hæc a S. Engusso, Martyrologio Tamlaectensi, et Annalibus Cluanensibus accepit Colganus. Eadem in nostris egraphis reperto non secus ac in lacinia Annalium Dungallensem.

d Ex Kalendario Casselensi, Carolo Maquiz et Menologio genealogico hæc hausta sunt. Verum a successoribus nostris non admitti solent vetustæ Hibernicæ genealogicæ.

e Confer num. 4 Commentarii prævii. S. Brendani navigatio nostris atavis Belgis placuisse videatur : non ita pridem lingua veteri theotica iter S. Brendani ex tenebris eruit Cl. V. de philologia Belgica optime meritus Blommaert. Ceterum ubique fere per Europam olim id iter innoverat, adeo ut paucæ sint copiosiores MSS. codicum collectiones, in quibus hæc non appareat historia.

f Vide num. 4 et sequentes Commentarii prævii.

g Num. 4 et sequentibus ejusdem Commentarii similiter hæc impugnata vide.

h Dixi num. 5 ex Annalibus Hibernicis S. Kiaram anno 679, in 680 obiisse ; ex iisdem tradit Colganus eam devenisse ad provectam ætatem, et diem v Januarii ultimam ejus vite in terris fuisse.

i In notis infirmat hoc assertum Colganus scribens, diem xvi Octobris esse festum translationis, commemorationis similis rei. Lanigan (a) huic diei ejus commemorationem adscribit. Quæ modo præcedunt, initio Commentarii prævii explicata sunt.

(a) Eccl. Hist. of Ireland, t. III, cap. xviii, § xii.

DE